

ben ist/din angesicht ze erheben vber-
sich in die hymel/vnd doch alle ander
tier sich naigende ansehen die erden/
betracht wie mit grossen verdriessen
du beschwert werdest in dinem sechste
alter/ so dich allenthalb vmbgeben/
sorg vnd schmerzen/din achseln biege
en sich/din zittrend hende mit zügeb-
ung hilff ains steckes/ouch din schwach
en fuss mögen dich kum enthalten/ge-
genwürtig sind on vnderlaß sunfftzē
die scharpffen hūsten verserend din
schwachs hertzlin all stunden/der bit-
ter tod nachtet sich dir taglichs/vnge-
wiss ist sin tag/stund vnd ougenblick
Nützit ist gewissers dann ze warten/
mit des tods psyl durch schossen wer-
den/dem ain vnkrefriger mensch von
alter zū ain zil gesetzt ist/**D**och sol-
len sich die iungen mit frōwē sicher sin
vor diesem gemelten gschoss/dwyle